



**TELE Greenland A/S**  
**Ileqquusumik ataatsimeersuarneq**  
**Sis. 24. maj 2007 nal. 14:00**

**Siulittaasup nalunaarutaa**

TELE Greenland-ip 2006-imi ukiumoortumik nalunaarut ataatsimeersuarnermi akuerisassanngortippaa. Nalunaarutinni immikkut taasariallit oqaaseqarfigissavakka.

**Ukioq 2006-imi inernerit**

Siulersuisut sinnerlugit suliffeqarfiup sinneqartoorutai akileraarutit peernagit 106,7 mio. kr.-iusut nuannaarutigaa. 2005-imi angusanut naleqqiutissagaanni siorna 71,4 mio. kr.-iupput.

Suliffeqarfiup aningaasatigut patajaatsumik ingerlanissaa pisariaqarpoq, attaveqaatit aaqqissuussaananerat attaveqaatitigullu kiffartuussinerit nutaat annertuumillu aningaasaliiffigisariaqartut, nunatta ukiuni aggersuni ineriartinneqarnerani pingaaruteqarluinnartut eqqarsaatigalugit.

Ukiuni aggersuni nunatta ineriartorneranut pingaaruteqarluinnarpoq, suliffeqarfiup attaveqaatitigut aaqqissuussaaniikkut, kiffartuussinerillu nutaat pileraluttuinnarnerinut malinnaaniassaguni, patajaatsumik aningaasaqarnikkut inissisimanissaa.

Niuernikkut immikkoortortat TELE aamma POST tamarmik akileraarutit suli peernagit pitsaanerusumik angusaqarfiusimapput. Naatsorsueqqissaarnerup kingorna 2005-imi ataasiartumik isertitat 21.mio.kr.-iusimapput, tassungalu naleqqiullugit 2006-imi isertitat 56,5 mio.kr.-inik siuarimateqarsimapput.

Tamatumunnga pingaarnertut pissutaavoq aningaasat kaaviiartitat malunnaatilimmik amerlisimani, tamannalu ilutigalugu aningaasartuutit amerliartortinneqaratik.

TELE-mut immikkoortortaqaarfimmi akileraarutit suli peernagit iluanaarutit 92,7 mio.kr-iupput. Kaaviiartitat ilanngaattissat ilanngaatigereerlugit 2005-imiit 2006-imut 4 %-imik amerleriarsimapput, tamannalu 2004-imiit 2005-imut amerleriaammut assiguvoq. Telefoninit nalinginnaasuniit VoIP-mut ikaarsaarneq ilimagisamik arriinnerusimavoq. Aammalu mobiltelefonik atuinerup annertusiartornera ilimagisamit annertunerusimalluni.

Telefonit nalinginnaasut atorneranit kaaviiartitat annikilliartrornerannut pissutaavoq, mobiltelefonit aamma VoIP-ip atorneqarnerisa annertusiartornerat. Tamanna ilutigalugu Danmarkimut sianermermi "1010"-ip atulerneratigut isertitat annikillinerat, tamannalumi atuisut sipaarnerannik kinguneqarsimavoq. Atuisut ikileriarsimapput, pingaarnertulli ukiup ingerlanerani atuinermi isertitat ikileriarsimapput.

Pilersaarutit malillugit Kalaallit Nunaanni illoqarfinni nunaqarfinnilu mobiltelefonik atuilersimanagerup kingunerisaanik kaaviiartitat 2005-imut naleqqiullugu 11 %-imik qaffariarsimapput. Ullumikkut TELE-ip nioqquteqarfii annerpaat tassaapput mobiltelefonit. Nunap inuisa amerlassusaat qviassagaanni mobiltelefonik atuisut 100 %-ngajaapput.

2006-imi ADSL-imik atuneq annertuseriarsimaqaaq, tasanilu atuutereersut iluanni nioqqutit nutaat periarfissiissutigineqarsimapput. Maanna ADSL-imik atuisut 9200 sinneqarput, sulilu amerliartorlutik, taamaalillunilu takuneqarsinnaavoq atuneq ataatsimut isigalugu annertusiartortoq. Aamma inuussutissarsiornermik ingerlataqartut akornanni kaaviiartitat amerleriarsimapput.

Internetip atorneqarneranut atatillugu niuerneramik ingerlatsiviup taassuma TELE-mut imminut akilersinnaasumik ingerlanneqarnissaa, kaaviiartitallu

amerliartuinnarnissaat pisariaqarput, taamaalilluni siunissaq ungasissoq isigalugu immap naqqatigut kabeli imminut akilersinnaaniassammat.

.

Ingerlatsinermut aningaasartuutit 2005-imut naleqqiullugit annikinnerupput, tamannalu annermik nalikilliliinernik sulisunullu aningaasartuutit annikillinerinik pissuteqarpoq.

TELE-p suli akinik appaasarnissani sulissutigaa, tamanna ingerlatsinikkut aningaasaqarnikkullu illersorneqarsinnaappat. 1. januar 2007 akinik appaasoqarpoq, tamannalu atuisut 17. mio. kr-inik sipaaruteqarnerannik kinguneqarpoq.

POST-imik immikkoortortaarfik 2005-imi akileraarutit ilanngaatinagit 15,0 mio.kr.-inik iluanaarfiuvoq. Ilanngaateqanngitsumik kaaviiaartitat 2005-imut naleqqiullugit 6 %-imik qaffariarsimapput, tassanilu annermik frimærkilorfimmi nioqqutinik tunisat annertuseriarnerat kiisalu kifartuussinerni suliakkiissutinut akiliutit annertuseri, kiisalu akiliutaasartut annertuseriarneri patsisaanerpaapput.

Naak allakkanik nassiussinermi akit 2006-ip aallartinnerani 5 %-imik qaffanneqaraluartut, frimærkinit nassiussinernillu isertitat 2005-imut naleqqiullugit nikippiarsimangillat, aamma taamaappoq Post Danmarkimit nassiussinermi akiliutaasartunit isertitat qviassagaanni. Tamatumunnga pissutaavoq ingammik Danmarkimiit Kalaallit Nunaannut allakkat nassiussat ikiliartuinnarneri, aammalu nunatta iluani allakkat nassiussat ikiliartorneri.

POST-ip 2006-imi aningaasartuutit allanngortinnaveersaarsimavai, naak suliffeqarfiup avataani pisut namminerlu sunniivigisinnaangisai pissutitaallutik, immikkoortortat ilaani aningaasartuutit qaffassimagaluartut.

## **Suliniutit nutaat**

2006-imi radiukkut sakkortusaaviit mikingitsumik nutarterneqarnerat piginnaassaasalu annertusarneqarnerat aallartinneqarpoq, 2007-imilu avannaani nanginneqarluni, tassanilu Uummannap tikinneqarnissaa pilersaarutaavoq. Suliaq 2008-imi Nunatta Kujataani ingerlateqqinneqassaaq.

Aalajangiunneqarsimavoq 2007-imi immap naqqatigut kabelimik pilersitsinissaq siunertaralugu misissuinerit aallartinneqassasut. TELE isumaqarpoq, immap naqqatigut kabeli pisariaqarluinnartoq, nunap iluani attaveqaatitigut piginnaasat pisariaqartinneqartut, kiffartuussinerillu nutaat naleqqussarlugillu ineriartortinneqarnissaat piviusunngussappat. TELE-p naatsorsuutigaa, immap naqqatigut kabelimik pilersitsinissaq, siunissaq ungasissoq eqqarsaatigalugu isumatusaartumik aningaasaliinerussasoq, tamannalu ukiorpassuarni aggersuni atuisunut iluaqutaassasoq.

Tv aamma radio Europami ukiuni makkunani digitaliserneqarput, aamma TELE-p radiukkut tv-kullu nassitsissutit digitalisererneqarnissaat siunnersuutigeqqissimavaa. Maannamut TELE ukiuni arlalinni DVB-T-mik atuinermik misilittaqaareerpoq, aningaasaliissutillu ullumikkut kanalimik ataatsimik analog-imik siammartiterinermut atorneqartartut allanngortinngikkaluarlugit, nuna tamakkerlugu aaqqiissuteqarnikkut TV kanalit 4-5-it siammartitersinnaallugit.

Attaveqaatitigut aaqqissuussaanernut nutaanut aningaarsartuutit ataatsimut qiviassagaanni TELE aatsaat taama annertutigisumik aningaasaliisussanngorpoq.

POST 2006-imi nunarsuaq tamakkerlugu assartuinermik piginneqatigiiffimmik FedEx-imik, nunarsuup sinneraniit Kalaallit Nunaannut nassiussat pillugit suleqatigiinnissamik isumaqatigiissuteqarpoq. POST-ip nassiussanut atatillugu inissisimanini nukittorsarniarlugu nunarsuarmi suleqatissaminik nutaanik suli ujartuiuarpoq – naak allanit sakkortuumik unammillerneqarluni.

Angallannermi allannguinerit kingulliit, sullissinerit pilersaarusioneranut, anguniakkat piviusunngortinniarnernut, aningaasaqarnermut il.il. sunniuteqarsimaqaat. Allannguinerit Qeqertarsuup Tunuani, Nanortalimmilu allakkeriveqarnerup iluani sullissinernut atuisunullu annerpaamik sunniuteqarsimapput, taakkunanimi angallassinert annikkillisinneqarmata.

### **2007-imi unammiligassat ilimagisallu**

IT-p nalunaarasuartaatitigullu attaveqaateqarnerup iluani ineriartorneq sukkaqaaq, atuisullu sorpassuarnik periarfissillugit. Teknikkikkut sukkasuumik allannguisoqassappat, tamanna ilutigalugu TELE-p annertuumik naleqqusarsinnaanissaa pisariaqassaaq, tassami attaveqaatitigut nioqqutitigullu ineriartortitsinermi piumasaqaatit allanngorluinnassammata.

Inuup muteerniusup piffissaq sumiiffillu apeqqutaatikkusunnigilai. TELE-p sullissinermigut taakku killiliinaveersaartippai, anguniagarlu "Kalaallit Nunaat nunarsuup qeqqani" tikkuussivoq, TELE-p nioqqutini aqqutigalugit sapinngisamik ungasissutsinik annikkillisaanissaanik.

TELE-p atuisunut attaveqarnini annertusarusuppaa, taamalilluni kiffartuussinerit nioqqutillu nutaat ineriartortinneranni, niuerfimmi allanngorartuurtumi atuisut pisariaqartitaat tusaaniarumallugit. Immap naqqatigut kabeli allallu nunatsinni attaveqaatitigut aaqqissuussaannikkut aningaasaliinissat annertuut tamatumani pisariaqarput.

TELE-mi immikkoortortami 2007-imi iluanaarutit 2006-imiit annikinnerulaarnissaat ilimagineqarpoq.

POST-ip atuisut ikippallaarneri siammasinnerilu pissutigalugit, allakkerivinnik ingerlatalinnut allanut naleqqiulluni suliffeqarfimmi ingerlaavartumik iliuuserisinnaasai killegarput. Aammattaaq POST inuiaqatigiinnut sullissinissamik naleqqussaanissamilu pisussaaffeqarpoq, naak unammillertini taama pisussaaffeqanngitsut.

.

Siunissami unammilligassat periarfissallu, pilersaarusionerup nukittorsarneratigut ingerlatiinnarneqassapput. Nutaanik aallarniisarnikkut niuerfiit ingerlareersut aningaasanik isertitsiviginissaat qitiutinneqassaaq. Tamanna ilutigalugu naleqqussaajuarnerit aningaasartuutinillu sakkortuumik aqutsinerit ingerlaavartumik sulissutigineqassapput.

Naak maanna pilersaarutit malillugit ingerlatat inernerit pitsaagaluartut, Siulersuisut naqissusissavaat, POST suli pilersaarusiornikkut annertuumik unammilligassaartoq, tassami niuernikkut ingerlatani pingaarnerni tamani kaaviaartinneqartut ikiliartortuarmata.

POST-ip ukiuni aggersuni pilersaarusiani nutaaq iliuusissallu pisariaqartut aallaavigalugit Namminersornerullutik Oqartussanik suleqateqarnermi nukittorsarnissaa qilanaaraa, taamaalillutik akit naammaginartut tungavigalugit atuisut sullinneqarnerat ingerlaannaqqallugu.

POST-ip naatsorsuutigaa 2007-imi iluanaarutini 2006-imut naleqqiullugit ikinnerussasut, allakkat nassiunneqartartut ikiliartortuarnerat il.il. pissutaallutik.

Naggasiullugu sulisorpassuit pikkorissut, aqutsisullu ukiumi qaangiuttumi sulillaarsimanerinek qutsavigaakka, aammalu siulersuisunut tamarmiusunut suleqatigiillaarsimanitsinnut qujallunga.

Kaj Egede



Siulersuisuni siulittaasoq